



Nalunaarut:

Kommunalbestyrelsinut, nunaqarfinni aqutsisunut ilagiillu sinniisaannut qinersineq pillugu Inatsisartut inatsisaanni nr. 27, 28. november 2016-imeersumi § 12 naapertorlugu, kommunalbestyrelsimut, nunaqarfinni aqutsisunut taamatullu ilagiit sinniisaannut qinersinissaq marlunngorneq ulloq 6. april 2021 nal. 09.00-imiit nal. 20.00-p tungaanut pissasoq matumuuna tamamat saqqummiunneqarpoq

Kommunalbestyrelsimut qinersineq

Kommunalbestyrelsimut qinersinissamat qinigassanngortitut allattorsimaffiat, Qinersinermut aqutsisunut tunniunneqareersimassooq kingusinnerpaamik marlunngorneq ulloq 23. februar 2021 nal. 12.00.

Kommunalbestyrelsimut ilaasortat 17-it qinerneqartussaapput.

Qinigassanngortittut kisimiittut, kisimiillutik kattusseqatigiittut imaluunniit partii qinigassanngortitsisinnaasoq sinnerlugu qinigassanngortissinnaapput.

Kommunalbestyrelsimut qinersinnaatitaaneq qinigaasinnaanerlu

Inatsisartut inatsisaanni nr. 27, 28. november 2016-imeersumi takuneqarsinnaapput makku:

§ 1. Kommunalbestyrelsimut qinersinnaatitaavoq, taamaattorli tak. § 3, kinaluunniit ullormi qinersiffiusumi 18-inik ukioqalersimasoq qinersinissaq sioqqullugu sapaatip akunnerini arfinilinni kommunimi pineqartumi aalajangersimasumik najugaqarsimasoq, aammalu:

1) danskisut innuttaassuseqartoq aammalu qinersinissaq sioqqullugu sivikinnerpaamik qaammatini arfinilinni Kalaallit Nunaanni aalajangersimasumik najugaqarsimasoq, imaluunniit

2) sivikinnerpaamik ukiuni pingasuni naalagaaffimmi najugaqarsimasoq qinersinissarlugu sioqqullugu sivikinnerpaamik qaammatini arfinilinni Kalaallit Nunaanni aalajangersimasumik najugaqarsimasoq.

Imm. 2. Kalaallit Nunaanni aalajangersimasumik najugaqarneq pineqartillugu, tak. imm. 1, nr. 1 aamma nr. 2 Kalaallit Nunaata avataaniikkallartut aammattaq § 2-mi ilaatinneqarput.

Imm. 3. Kommunalbestyrelsimut ilaasortaq kinaluunniit kommunalbestyrelsimut ilaasortaanerminut atatillugu nuna tamakkerlugu soqutigisaqaqatigiit kattuffiannut, kommunimi allami angerlarsimaffeqartumi, piffissaq tamaat siulittaasussatut toqqarneqartoq, kommunimi qimatamini taasisinnaatitaavoq.

§ 2. Inuit, Kalaallit Nunaata avataanii najugaqarallartut taakkulu inooqatigalugit aapparisaat imaluunniit inuit aallarnissartik sioqqullugu aappariinnermut assingusumik inooqatigiittut kommunalbestyrelsimut qinersinnaanertik atatiinnarsinnaavaat, aalajangersimasumik najugaqarnissamik piumasaaqat eqqaassanngikkaanni § 1, imm. 1-imi piumasarineqartut naammassisimaganikkat, aamma

1) ilinniagaqarlutik Kalaallit Nunaata avataaniittut.

2) peqqinnissamat tunngasunik pissuteqarlutik Kalaallit Nunaata avataaniittut.

3) Kalaallit Nunaanni qinigaallutik folketingimi ilaasortatut suliaqarnerminnut atatillugu Danmarkimiittut.



4) Namminersorlutik Oqartussanut sinniisuullutik Kalaallit Nunaata avataaniittut.

5) Kalaallit Nunaata avataaniittut aammalu Kalaallit Nunaannut attuumassuteqarnikkut 1-4-mi taaneqartunut sanilliunneqarsinnaasut.

Imm. 2. Inuit imm. 1 naapertorlugu qinersisinnaanerminnik atatitsiinnarusuttut qinersisinnaasut allassimaffiannut tassunga allagartamut naleqquttumut Naalakkersuisunit atulersinneqartumut ilanngunneqarnissamik qinnuteqarsinnaapput.

Imm. 3. Taamaattoq inuit imm. 1-imi taaneqartut aatsaat nuunnginnerminni Kalaallit Nunaanni inuit aqqisa nalunaarsorsimaffianni nalunaarsorsimappata aamma sivikinnerpaamik katillugit ukiuni marlunni Kalaallit Nunaanni inuit aqqisa nalunaarsorsimaffiini allassimasimagunik qinersisinnaapput.

§ 3. Inuit namminersorsinnaanermik inatsit naapertorlugu nammineersinnaajunnaarsitaasimasut qinersinnaatitaanngillat.

§ 4. Kinaluunniit qinersisussat allassimaffiannut ilanngunneqarsimatinnani qinersinnaatitaanngilaq, tak. §§ 22-26.

§ 5. Kommunalbestyrelsimut qinigaasinnaatitaavoq kinaluunniit § 1 imaluunniit § 2 naapertorlugit tassunga qinersinnaatitaasoq, pineqartoq ukiut kingulliit tallimat ingerlaneranni inaarutaasumik eqqartuussinikkut akiliisitsissutissamilluunniit akuersinikkut pinerluttulerinermi inatsisit tunngavigalugit pineqaatissinneqarsimangikkuni imaluunniit ukiut kingulliit pingasut ingerlaneranni pissutsimut nalinginnaasumik isigineqarnermi kommunalbestyrelsimut ilaasortaanissamut naleqqukkunnaarsitsisumik pinerluttulerinermi inatsisit tunngavigalugit pineqaatissinneqarsimangikkuni. Piffissaliussat ullormit qinersivimmiit atuutissapput.

Imm. 2. Taamaattoq kinaluunniit qinigassanngortissinnaavoq pinerluuteqarsimanermigut pineqaatissinneqarsimanini pissutigalugu qinigaasinnaannginnera pillugu akerliliiisoqaraluarpalluunniit.



Nunaqarfinni aqutsisunut qinersineq:

Nunaqarfinni aqutsisunut qinersinissami qinigassanngortittunik nalunaarsuiffik, taaguinermik siulersuisumut tunniunneqareersimassooq kingussinnerpaamik marlungorneq ulloq 23. marts 2021 nal. 12.00.

Qinersisoqassooq:

Nunaqarfimmi aqutsisut	Ilaasortat amerlassusaat
Siorapaluk og Qeqertat	Ilaasortat 3
Savissivik	Ilaasortat 3
Kullorsuaq	Ilaasortat 5
Tasiusaq og Nutaarmiut	Ilaasortat 3
Nuussuaq	Ilaasortat 5
Innaarsuit, Naajaat, Aappilattoq	Ilaasortat 5
Kangersuatsiaq, Upernavik Kujalleq	Ilaasortat 5
Ikerasak, Saattut, Ukkusissat	Ilaasortat 5
Qaarsut, Niaqornat	Ilaasortat 5
Qeqertaq, Saqqaq	Ilaasortat 5
Oqaatsut, Ilimanaq	Ilaasortat 3

Qinigassanngortittut kisimiittutut, kisimiillutik kattusseqatigiittut imaluunniit partii qinigassanngortitsisinnaasoq sinnerlugu qinigassanngortissinnaapput.

Nunaqarfinni aqutsisunut qinersisinnaatitaaneq qinigaasinnaanerlug

Inatsisartut inatsisaanni nr. 27, 28. november 2016-imeersumi takuneqarsinnaapput makku:

§ 61. Nunaqarfimmi aqutsisunut ataatsimoorussanut qinersisinnaatitaavoq kinaluunniit § 1 malillugu kommunalbestyrelsimut qinersisinnaatitaanermut piumasarisaaunik eqquutitsisoq, aammalu qinersinissaq kingusinnerpaamik ullunik 14-inik sioqqullugu nunaqarfimmi aalajangersimasumik najugaqarsimasooq kiisalu § 2-mi inuit taaneqartut.

Imm. 2. Qinersinissaq ullunik 14-inik sioqqullugu qinersinermik siulersuisut suliarissavaat inuit ullormi qinersivissami qinersisinnaatitaallutik nunaqarfimmi najugallit allattorsimaffiat.

Imm. 3. Qinersisussat allassimaffiat suliarineqarnermi kinguninngua ulluni marlunni nalinginnaasuni saqqumitinneqassaaq.

Imm. 4. Inuk qinersisussat allassimaffiannut ilanngunneqarsimasooq qinersisussat allassimaffiata suliarineqareernerata kingorna nunaqarfiup avataani aalajangersimasumik najugaqalersimasooq qinersisussat allassimaffiannit peerneqassaaq.

Imm. 5. Kinaluunniit qinersisussat allassimaffiannut ilanngunneqarsimatinnani qinersisinnaatitaanngilaq.

Imm. 6. Qinersisussat allassimaffii pillugit aalajangersakkat §§ 22 - 26-mi maleruagassat pineqartut atorneqassapput.



§ 62. Nunaqarfimmi aqutsisunut ataatsimoorussanut qinigaasinnaatitaavoq kinaluunniit § 61, imm. 1, tak. § 1, naapertorlugu tassunga qinersisinnaatitaasoq, qinersivimmilu kingusinnerpaamik ullut 14-it sioqqullugu aalajangersimasumik najugaqartoq, pineqartoq ukiut kingulliit tallimat ingerlaneranni inaarutaasumik eqqartuussinikkut akiliisitsissutissamilluunniit akuersinikkut pinerluttulerinermi inatsisit tunngavigalugit pineqaatissinneqarsimangikkuni imaluunniit ukiut kingulliit pingasut ingerlaneranni pissutsimut nalinginnaasumik isigineqarnermi nunaqarfimmi aqutsisunut ilaasortaanissamut naleqqukkunnaarsitsisumik pinerluttulerinermi inatsisit tunngavigalugit pineqaatissinneqarsimangikkuni. Piffissaliussat ullormit qinersivimmiit atuutissapput.

Imm. 2. Taamaattoq kinaluunniit qinigassanngortissinnaavoq pinerluuteqarsimanermigut pineqaatissinneqarsimanini pissutigalugu qinigaasinnaanginnera pillugu akerliliisoqaraluarpalluunniit.

Ilagiit sinniisaannut qinersineq

Ilagiit sinniisaannut qinersinissami qinigassanngortittunik nalunaarsuiffik, sumiiffimmi taaguinermik siulersuisumut tunniunneqareersimassooq kingussinnerpaamik marlunngorneq ulloq 9. marts 2021 nal. 12.00.

Ilagiit sinnisaannut ilaasortat qinigaasussat amerlassuseqarput ima:

Ilulissat: 5, Ilimanaq: 3, Oqaatsut: 3, Qeqertaq: 4, Saqqaq: 4.

Uummanaq: 5, Ikerasak: 4, Niaqornat: 3, Qaarsut: 3, Saattut: 3, Ukkusissat: 3.

Upernavik: 5, Aappilattoq: 4, Kangersuatsiaq: 3, Kullorsuaq: 3, Innaarsuit: 3, Naajaat: 3, Nuussuaq: 4, Tasiusaq: 4, Nutaarmiut: 3, Upernavik Kujalleq: 4.

Qaanaaq: 4, Savissivik: 3, Siorapaluk: 3.

Ilagiit sinnisaannut qinigassanngortittut ilagiit sinniisaannut qinersisinnaatitaasunik minnerpaamik tallimanik qinigassanngortitsisoqassapput.

Ilagiit sinniisaannut qinersisinnaatitaaneq qinigaasinnaanerlu

Inatsisartut inatsisaanni nr. 27, 28. november 2016-imeersumi takuneqarsinnaapput makku:

Ataatsimoorussat:

§ 68. Kalaallit Nunaanni Ilagiinnut ilaasortat ilagiit sinniisaannut qinersisinnaatitaapput kommunalbestyrelsimut qinersisinnaanermut piomasaaqatit naammassimagunikkut, tak. § 1 imaluunniit § 2-mi piomasaaqatit naammassineqarpata.

Imm. 2. Ilagiit sinniisaannut qinersineq kommunalbestyrelsimut qinersineq peqatigalugu pissaaq.

Imm. 3. Kinaluunniit qinersisussat allassimaffiannut ilanngunneqarsimatinnani qinersisinnaatitaanngilaq.

Imm. 4. Qinersisussat allassimaffii pillugit §§ 22 – 26-mi malittarisassat ilagiit sinniisaannut qinersinermi aamma atorneqassapput.



§ 69. Immikkoortoq 3-mi taaneqartut eqqaassanngikkaanni ilagiit sinniisaannut kinaluunniit qinigaasinnaatitaavoq § 68, imm. 1, tak. § 1, naapertorlugu tassunga qinersisinnaatitaasoq, qinersivimmilu kingusinnerpaamik sapaatit akunneri arfinillit qinersinissaq sioqqullugu aalajangersimasumik najugaqartoq, pineqartoq ukiut kingulliit tallimat ingerlaneranni inaarutaasumik eqqartuussinikkut akiliisitsissutissamilluunniit akuersinikkut pinerluttulerinermi inatsit tunngavigalugit pineqaatissinneqarsimanngikkuni imaluunniit ukiut kingulliit pingasut ingerlaneranni pissutsimut nalinginnaasumik isigineqarnermi ilagiit sinniisaanni ilaasortaanissamut naleqqukkunnaarsitsisumik pinerluttulerinermi inatsisit tunngavigalugit pineqaatissinneqarsimanngikkuni. Piffissaliussat ullormit qinersivimmiit atuutissapput.

Imm. 2. Taamaattoq kinaluunniit qinigassanngortissinnaavoq pinerluuteqarsimanermigut pineqaatissinneqarsimanini pissutigalugu qinigaasinnaannginnera pillugu akerliliisoqaraluarpalluunniit.

Imm. 3. Inuit Ilageeqarneq pillugu Inatsisartut inatsisaat naapertorlugu atorfitsik tunngavigalugu ilagiit sinniisaanni ilaasortaausut tassunga qinigaasinnaanngillat.

Tamanut atuuttoq:

Kommunimut, nunaqarfinni aqutsisunut aammalu ilagiit sinniisaannut qinersinermi qinigassanngortittut pillugit allaffissaasigut nalunarsorfissaq illoqarfinni kommunip allaffiini innuttaasunik sullissiviini saaffiginnittaarfinnut aamma nunaqarfinni allaffinnut saaffiginnilluni pissarsiarineqarsinnaapput aamma Avannaata Kommuniata nittartagaani: www.avannaata.gl –mi.



Taasiartorfissat aamma taaguinermik siulersuisussat

Ulloq 6. april 2021 kommunimut, nunaqarfinni atqutsisunut aamma ilagii sinniisaannut Avannaata Kommuniyani qinersinermi illoqarfinni nunaqarfinnilu taasiartorfissat aamma taaguinermik siulersuisussat ima isikkoqarput:

Illoqarfik/Nunaqarfik	Taaguinermik siulersuisoq	Taasiartorfissaq
Iilissat	Arnarulunnguak Petersen	Sermermiut
Ilimanaq	Jonna Tobiassen	Katersortarfik
Oqaatsut	Bertheline Gabrielsen	Atuarfik
Qeqertaq	Johanne Karen Mølgaard	Katersortarfik
Saqqaq	Karen B. Zeeb	Kastersortarfik
Uummanaq	Elisabeth Pj. Skade	Katersortarfik
Ikerasak	Dorthe Q. Jerimiassen	Illu innuttaasunik sullissivik
Niaqornat	Ane Marie Møller	Illu innuttaasunik sullissivik
Qaarsut	Anna M. Hansen	Illu innuttaasunik sullissivik
Saattut	Karina Therkelsen	Illu innuttaasunik sullissivik
Ukkusissat	Juliane M. Willumsen	Illu innuttaasunik sullissivik
Upernavik	David Karlsen	Katersortarfik
Aappilattoq	Simon Petersen	Illu innuttaasunik sullissivik
Kangersuatsiaq	Josef Kristiansen	Illu innuttaasunik sullissivik
Kullorsuaq	Martin Olsen	Illu Sullivik
Innaarsuit	Birgithe Kleemann Kristensen	Illu Sullivik
Naajaat	Magdaline Olsvig Semionsen	Illu innuttaasunik sullissivik
Nuussuaq	Arnaq Heilmann Jansen	Illu innuttaasunik sullissivik
Tasiusaq	Jens Nielsen	Illu innuttaasunik sullissivik
Nutaarmiut	Rasmus Eliassen	Illu innuttaasunik sullissivik
Ikerasaarsuk	Rasmus Eliassen	Illu innuttaasunik sullissivik Nutaarmiut
Upernavik Kujalleq	Ole Kristensen	Illu innuttaasunik sullissivik
Qaanaaq	Karen Gundel	Illu innuttaasunik sullissivik
Qeqertat	Nukappiannguaq Jerimiassen	Ataatsimiittarfik
Savissivik	Meqo S. Hansen	Atuarfik
Siorapaluk	Ego Uvdloria k	Illu innuttaasunik sullissivik